

Konsellu Imprensa Repúblika Demokrátika Timor-Leste

Regulamentu n.º _____

Regulamentu husi Knaar Profisionál jornalista nian

Regulasaun husi profisaun jornalista, ho hanoin ba importánsia sosiál hodi halao ho loos atividade ne'e rasik mak merese duni atu hetan protesau konstitusionál no legál, iha termu sira ne'ebé reinforsa direitu husi ema sira ne'ebé halao atividade hirak ne'e, hanesan ne'e mos dever sira kona-ba ba halao nia ho loos.

Nune'e, Lei Komunikaun Sosiál nian, ne'ebé aprova ona hanesan Lei n.º 5/2014 husi loron 19 fulan Novembru, obriga ba profisaun jornalista nian abilitasaun ne'ebé mak loos hanesan prerekizitu atu tama ba halao knaar ho dokumentu ida ne'ebé hanaran legalmente "kartaun profisionál". Lei Komunikaun Sosiál mós determina katak regulamentasaun husi kartaun profisionál jornalista nian, nune'e mós jornalista estajiáriu sira nian, aprova husi Dekretu-Lei governu nian. Maibé, Konsellu Imprensa hetan mandatu atu halo emisaun dokumentu provizóriu sira to'o aprovasaun Dekretu-Lei refere. Maibé, Dekretu-Lei ida ne'e seidak aprova husi parte governu nian no iha nesesidade atu Konsellu Imprensa emiti dokumentu provizóriu sira atu substitui kartaun profisionál jornalista nian, nune'e prepara ona Regulamentu ida ne'e atu hatuur regulamentu provizoriamente ba termu sira husi emisaun Kartaun Profisionál Jornalista no Jornalista Estajiáriu nian, ho respeita rejime ne'ebé temi nanis iha Lei Komunikaun Sosiál nia.

Artigu 1

Definisaun Jornalista

Jornalista katak profisionál ida ne'ebé halao atividade jornalística tuir termu sira ne'ebé defini ona iha Lei Komunikaun Sosiál.

Artigu 2

Kapasidade

Bele sai jornalista sidadaun tinan boot sira ne'ebé iha direitu sivil tomak no iha, pelumenus, ensinu sekundáriu ne'ebé halao hotu ona rekizitu sira ne'ebé temi nanis ona legalmente atu tama ba profisaun atu bele hetan título profisionál ne'ebé sei emiti husi Konsellu Imprensa.

Artigu 3

Título Profisionál

1 – Kartaun profisionál jornalista nian ne'e dokumentu identifikaun jornalista sira nian no sertifikasaun ba sira nia knaar profisionál, no sai hanesan título abilitasaun/sertifikadu kompeténsia natón atu bele halao sira nia profisaun no título husi direitu sira ne'ebé lei.fó ba

2 – Ema ne'ebé abilitadu ho kartaun profisionál sai nu'udar prerekizitu importante ne'ebé tenki iha atu halao profisaun Jornalista nian, tamba ne'e mak laiha empreza ida ne'ebé rejistu iha Konsellu Imprensa tuir Regulamentu n.º ____/__(Rejistu órgaun komunikasaun sosiál sira), bele hatama ka husik servisu nafatin, hanesan jornalista profisionál, ema ne'ebé la hatudu abilitadu ho kartaun profisionál jornalista nian, a naun ser ke ema ne'e hetan tiha ona título abilitasaun/sertifikadu kompeténsia ne'e no sei hein hela desizaun.

Artigu 4

Direitu sira Jornalista no Jornalista Estajáriu nian

1 – Ba titulár Kartaun Profisionál Jornalista ka Kartaun Jornalista Estajáriu nian, hetan direitu sira hotu hanesan temi nanis ona iha Lei Komunikasaun Sosiál nian no regulamentasaun setoriál spesífika sira seluk.

2 – Ba identifikaun jornalista ne'ebé halao hela knaar, natón ona atu hatudu deit kartaun profisionál, labele husu tan husi nia dokumentu seluk ida, a naun ser husi autoridade polisia sira, iha kazu sira ne'ebé deskonfia título ne'e falsu ka la válidu.

Artigu 5

Tama ba profisaun

1 – Profisaun jornalista nian hahú ho estájiu profisionál, nune'e konsidera hanesan “Jornalista Estajiáriu sira” sira hotu ne'ebé hahú estájiu maibé seidak liu ezame sira atu tama ba profisaun.

2 – La tama iha númeru ida leten, Jornalista Estajiáriu sira ne'ebé husik tiha estájiu molok liu ezame atu tama ba profisaun, ho konsidera ba objetivu husi artigu ida ne'e katak suspensaun estájiu iha períodu ida liu fulan nein hanesan ho husik estájiu.

3 – Atu kalkula antiguidade profisionál jornalista sira nian konta mós tempu estájiu nian.

Artigu 6

Rekerimentu ba Kartaun Jornalista Estajiáriu

1 – Kartaun Jornalista Estajiáriu ne'e dokumentu identifikaun jornalista estajiáriu nian ne'ebé sai títulu abilitasaun/sertifikadu kompeténsia ne'ebé natón atu halao atividade jornalística.

2 - Jornalista estajiáriu sira tenki husu emisaun títulu/sertifikadu ne'ebé refere iha númeru ida leten iha lora 30 nia laran sura hahú husi estájiu fofoun.

3 - Rekerimentu ne'e akompaña ho elementu sira tuir mai ne'e:

- a) Kópia dokumentu identifikaun;
- b) Fotografia koloridu ikus liu;
- c) Kópia sertifikadu abilitasaun literária sira;
- d) Deklarasaun komprovativa ba admisaun hanesan estajiáriu iha redasaun órgaun komunikaun sosiál, asina husi diretór rasik, ho hatudu naran jornalista responsável ba orientasaun estájiu no númeru husi kartaun profisionál nian;
- e) Deklarasaun, ho kompromisu de onra, katak laiha konfliktu ruma tuir temi nanis ona iha Lei Komunikaun Sosiál no husi ne'ebé obriga atu halo tuir dever legál no étika sira ne'ebé iha ligasaun ba profisaun.

4 – Títulu estajiáriu nian fó ba nia titulár direitu sira ne'ebé temi nanis ona ba Jornalista sira iha Lei Komunikaun Sosiál no regulamentasaun spesífika sira seluk.

5 – Desizaun sira atu la autoriza tenki iha nia baze no hato'o pur eskritu ba interesadu.

6 - Prazu atu entrega ba interesadu títulu/sertifikadu nian mak loron 60.

Artigu 7

Rekerimentu ba Kartaun Profisionál Jornalista nian

1 - Emisaun kartaun profisionál ne'e husu, a naun ser ke laos responsabilidade jornalista nian, iha prazu loron 60 sura husi liu husi ezame tama ba profisaun, akompaña ho dokumentu sira tuir mai ne'e:

- a) Kópia dokumentu identifikasaun nian;
- b) Fotografia koloridu ne'ebé foin hasai;
- c) Sertifikadu remata estájiu;
- d) Prova liu ezame final ne'ebé fó sai husi entidade avaliadora;
- e) Deklarasaun, ho kompromisu de onra, katak laiha konfliktu ruma tuir temi nanis ona iha Lei Komunikaun Sosiál no husi ne'ebé obriga atu halo tuir dever legál no étika sira ne'ebé iha ligasaun ba profisaun;
- f) Dokumentu ne'ebé prova halao profisaun hanesan okupasaun prinsipál, permanente no hetan remunerasaun, ne'ebé hasai husi entidade ne'ebé fó servisu.

2 – Jornalista independente sira, tenki hatudu halao atividade profisionál jornalista nian hanesan alternativa ba rekizitu husi alínea e) husi n.º 1, ne'ebé bele satisfás Konsellu Imprensa.

3 – Desizaun sira atu rejeita tenki iha baze no fó hatene pur eskritu ba interesadu.

4 - Prazu atu entrega ba interesadu títulu nian mak loron 60.

Artigu 8

Renovasaun Kartaun Jornalista nian

1 –Kartaun profisionál jornalista nian ne'e válidu ba períodu tinan rua, tenki renova hafoin prazu ida ne'e.

2 – Renovasaun ne'e halao tuir rekerimentu ema ne'ebé iha interese, tenki hato'o loron neenulu molok termu validade título nian hotu, akompaña ho:

a) Fotografia koloridu ida, tipu pase;

b) Dokumentu ne'ebé refere iha alínea d) husi n.º 1 husi artigu ida uluk, atualizadu, ka, wainhira hare'e ba jornalista independente sira, prova elaborasaun no publikasaun regulár husi servisu jornalístiku nian iha tinan rua antes nian.

3 - Prazu ba rekerimentu renovasaun kartaun profisionál hetan suspensaun iha situasaun ne'ebé iha moras ne'ebé impede atu halao profisaun ka ba hela iha rai liur ho motivu profisionál, no tenki komunika ba Konsellu Imprensa iha momentu nia akontese.

4 – Jornalista ida ne'ebé la servisu, tenki hato'o pedidu ba renovasaun kartaun iha prazu hanesan temi nanis ona iha artigu ida ne'e, ho suspende tiha entrega ida ne'e nian to'o situasaun dezempregu ne'e remata.

5 – Desizaun sira atu rejeita tenki iha baze no hato'o pur eskritu ba interesadu.

6 – Prazu atu entrega ba interesadu título ne'e mak loron 60.

Artigu 9

Suspensaun Kartaun Jornalista nian

1 – Laiha possibilidade legál atu halao knaar ne'ebé mosu, hanesan temi nanis ona iha Lei Komunikasaun Sosiál, suspende direitu ba título profisionál jornalista ka estajiáriu no implika:

a) Dever husi titulár ne'e atu komunika ba Konsellu Imprensa situasaun ne'ebé loloos no atu entrega título;

b) Laiha renovasaun ba título wainhira konflitu kontinua no durante prazu sira impedimentu nian.

2 – Bele aplika n.º1 husi artigu ida ne'e ba kazu sira seluk hotu ne'ebé, tuir Lei Komunikasaun Sosiál no lejislasaun ne'ebé aplika, fó fatin ba suspensaun Kartaun Jornalista Profisionál ka Kartaun Jornalista Estajiáriu nian.

3 – Konsellu Imprensa fó hatene ba titulár atu, iha loron 15, sei entrega título, bainhira deit, ho dalan saida deit, hare'e katak iha situasaun impedimentu ida ka kauza seluk ba suspensaun, no interesadu seidak kumpri nia obrigasaun atu entrega kartaun, no bele husu ba autoridade competente sira atu prende wainhira sei nafatin la halo tuir artigu ida ne'e.

Artigu 10

Konfidensialidade

1 – Membru sira no kolaboradór sira husi Konsellu Imprensa iha obrigasaun atu mantein sijilu kona-ba dadu pesoál sira hotu, dokumentu sira no informasaun sira ne'ebé hato'o ona husi rekerente sira, a naun ser ke no wainhira interesadu fó sai ho momoos katak autoriza atu halo oin seluk fali.

2 – Númeru 1 la bele aplika ba kazu sira ne'ebé informasaun kona-ba ema ruma sai titulár husi kartaun profisionál ruma, husu husi autoridade pública, judisiál, ka tuir rekerimentu husi ema ida ne'ebé iha interese lejítimu.

Artigu 11

Tama iha vigór

Reglamentu ida ne'e tama iha vigór loron tolunulu (30) hafoin nia publikasaun.